



JUL 11 2007

MEMORANDUM PANGKAGAWARAN

Blg. 265 , s. 2007

IKA- 4 NA PAMBANSANG TAGISAN NG TALINO  
SA FILIPINO SA ANTAS SEKONDARYA

Sa Mga: Direktor Panrehiyon  
Tagapamanihala ng mga Paaralan  
Panrehiyon at Pansangay na Tagamasid ng Filipino  
Punungguro ng mga Pampubliko at Pribadong Paaralan

1. Ang Kagawaran ng Edukasyon sa pamamagitan ng Kawanihan ng Edukasyong Sekondarya (DepED-CO) ay magtataguyod ng Ika-4 na Pambansang Tagisan ng Talino sa Wika at Panitikang Filipino, Malikhaing Pagsulat at Talumpating Di-Handa sa Agosto 27 – 31, 2007 sa Lalawigan ng Batangas. Ito ay pangangasiwaan ng Sangay ng Edukasyong Sekondarya ng DepED-Rehiyon IV- A (CALABARZON) at Pamahalaang Panlalawigan ng Batangas.
2. Layunin ng gawaing ito ang mga sumusunod:
  - a. masukat ang mga taglay na tanging kakayahan at kaalaman ng mga mag-aaral sa asignaturang Filipino sa pamamagitan ng isang makabuluhang paligsahan sa mga larangan ng wika at panitikang Filipino, malikhaing pagsulat at talumpating di-handa; at
  - b. makalinang ng mga mag-aaral na nagtataglay ng malalim na pagtitiwala sa sarili hinggil sa kanilang mga angking kakayahan at kaalaman.
3. Ang mga nararapat lumahok sa timpalak na ito ay manggagaling sa una hanggang sa ikaapat na taon ng haiskul. Ang tatlong magwawagi sa tatlong kategorya mula sa kani-kanilang rehiyon ay siyang lalahok sa Pambansang Tagisan. Sanhi nito, nararapat na makapagsagawa ng mga lokal na tagisan sa mga paaralan sa bawat sangay at sa bawat rehiyon.
4. Ang pambansang tagisan sampu ng mga lokal na tagisan ay nararapat na sumukat sa mga kasanayan at kaalaman tulad ng kaalaman sa wika at panitikan (50%), malikhaing pagsulat (25%), at talumpating di-handa (25%). Ang unang bahagi ay bubuuin ng pasulat na pagsusulit na nahahati sa tatlong kategorya: madali, katamtaman, at mahirap. Ito ay tatagal sa isang oras. Ang mga katanungan ay manggagaling sa aralin sa wika at panitikan. Ang ikalawang bahagi ay malikhaing pagsulat na tatagal ng isang oras at ang ikatlong bahagi ay bibigkasin sa loob ng lima hanggang pitong (5-7) minutos.

5. Ang unang gantimpala sa bawat kategorya ay bibigyan ng gantimpalang salapi at sertipiko . Ang tatlong pambansang magsisipagwagi sa kabuuan ng Pambansang Tagisan ay bibigyan ng gantimpala na nagkakahalaga ng mga sumusunod at kaukulang tropeo. Ang mga tagapagsanay ng mga magwawaging mag-aaral sa kabuuan ng paligsahan ay bibigyan din ng kaukulang halaga at Sertipiko ng Pagkilala.

a. Kabuuang Nagwagi

<b>Gantimpala</b>	<b>Halaga ng Gantimpala</b>
Unang Gantimpala	PhP15,000.00
Ikalawang Gantimpala	10,000.00
Ikatlong Gantimpala	5,000.00

b. Kategoryang Wika at Panitikan (Obhektibong Pagsusulit)

<b>Gantimpala</b>	<b>Halaga ng Gantimpala</b>
Unang Gantimpala	PhP 5,000.00

c. Kategoryang Malikhaing Pagsulat (Creative Writing)

<b>Gantimpala</b>	<b>Halaga ng Gantimpala</b>
Unang Gantimpala	PhP 5,000.00

d. Talumpating Di-Handa (Extemporaneous)

<b>Gantimpala</b>	<b>Halaga ng Gantimpala</b>
Unang Gantimpala	PhP 5,000.00

e. Para sa mga Tagapagsanay ng mga nanalo sa Kabuuang Nagwagi

<b>Gantimpala</b>	<b>Halaga ng Gantimpala</b>
Unang Gantimpala	PhP 2,000.00 at sertipiko
Ikalawang Gantimpala	2,000.00 at sertipiko
Ikatlong Gantimpala	2,000.00 at sertipiko

6. Ang mga nararapat dumalo sa gawain ay ang mga sumusunod:

	<b>Mga Dapat Dumalo</b>	<b>Bilang ng mga Dapat Dumalo</b>
a.	Mga nagwagi mula sa kani-kanilang rehiyon	3 mag-aaral/ 17 rehiyon = 51
b.	Pansangay ng tagamasid sa Filipino na nakasasakop sa paaralan ng mga nagwagi	3 tagapagsanay / 17 rehiyon = 51
c.	Tagapagsanay ng mga nagwagi	1 tagapagsanay / 17 rehiyon = 17
d.	Panrehiyong tagamasid sa Filipino	1 tagamasid / 17 rehiyon = 17
e.	Mga Kawani mula sa DepEd Rehiyon IV-CALABARZON	14- Pansangay na Tagamasid at 8 mula sa Rehiyon = 22
f.	Mga piling kawani ng Kawanihan ng Edukasyong Sekondarya	10
g.	Kabuuang Bilang	168

7. Ang mga kalahok at mga kasapi ng panrehiyong delegasyon ay inaasahang magbabayad ng rehistrasyon sa halagang isang Libong Piso (PhP1,000.00) para sa panustos at kagamitan (supplies and materials); silid para sa panayam at tagisan (conference room), gantimpalang salapi, plaque at sertipiko, bayad sa hurado, extra duty allowance (EDA) ng mga namamahala at iba pang gastusin kaugnay ng nasabing gawain.
8. Ang pondong gugugulin para sa pagkain at tirahan ay manggagaling sa pondo ng Kawanihan subalit ang gastusin para sa rehistrasyon at pamasahe (papunta't pabalik) at iba pang gastusin ng mga kalahok ay manggagaling sa pondong lokal na sasailalim sa kinagawiang pagsusuma at pagsusuri.
9. Sa kaugnay na gawain, ang mga panrehiyon at pansangay na tagamasid na dumalo sa tagisan ay magkakaroon ng panayam/kumperensya sa Agosto 31, 2007 na gaganapin sa parehong lugar na pangangasiwaan ng DepED-Rehiyon IV-A (CALABARZON).
10. Ang mga kalahok at mga kasapi ng panrehiyong delegasyon ay inaasahan sa Agosto 27, 2007 , ganap na ika-sampu ng umaga para sa pambungad na palatuntunan. Inaasahang ang mga kalahok ay magsusuot ng kasuotang Filipiña para sa kababaihan at Barong Tagalog para sa kalalakihan para sa pambungad na palatuntunan.
11. Anumang paglilinaw sa nasabing gawain ay maaaring makipag-ugnayan kina Gng. Evangeline C. Calinisan/Dr. Paz Naypes sa telepono bilang 632-75-86 sa telepono bilang (02) 632-77-46 at 632-13-61 hanggang 70 lokal 2146 o kaya ay tumawag sa DepEd Rehiyon IV-A (CALABARZON) sa numerong (02) 632-1835.
12. Hinihiling ang dagliang pagpapahatid sa kinauukulan ng Memorandum na ito.

  
**JESLI A. LAPUS**  
Kalihim

**Sanggunian:**

Memorandum Pangkagawaran Blg. 278, s. 2006  
Pamumudmod: 1—(D.O. 50-97)  
Ilalagay sa Palagiang Talatuntunan  
sa ilalim ng mga sumusunod na paksa:

**CONTESTS**  
**Learning Area, FILIPINO**  
**STUDENTS**